

("Sl.novine FBiH 2/95, 13/00 i 29/00" – neslužbeni prečišćeni tekst)

ZAKON O FINACIJSKOM POSLOVANJU

I - OPĆE ODREDBE

Član 1.

Ovim Zakonom uređuje se finansijsko poslovanje pravnih osoba sa sjedištem u Federaciji Bosne i Hercegovine koja obavljaju djelatnosti utvrđene propisima o standardnoj klasifikaciji djelatnosti u Federaciji Bosne i Hercegovine.

Član 2.

Financijsko poslovanje, u skladu sa ovim zakonom, čini:

1. financiranje poslovanja i
2. plaćanja i održavanje solventnosti.

II - FINANCIRANJE POSLOVANJA

Član 3.

Pravna osoba dužna je da u finansijskom poslovanju osigura dugoročnu finansijsku stabilnost radi pravovremenog izvršavanja svojih obveza.

Član 4.

Pravna osoba stiče i pribavlja finansijska sredstva:

- 1) ulaganjem sredstava osnivača u vidu osnovne glavnice nominiranog kapitala i rezervi;
- 2) emitiranjem i prodajom vrijednosnih papira, u skladu sa ovim zakonom
- 3) iz rezultata poslovanja;
- 4) od domaćih i stranih ulagača u pravnu osobu;
- 5) na osnovu zajmova;
- 6) namjenskim dotacijama;
- 7) na druge načine u skladu sa propisima;

Sticanje i pribavljanje finansijskih sredstava iz stava 1. ovog člana vrši se u skladu sa odgovarajućim zakonima. Trajni i privremeni izvori finansiranja formiraju se iz sredstava, sticanjem i pribavljanjem na način propisan stavom 1. ovog člana

Član 5.

Briše se.

Član 6.

Obaveze se smatraju dugoročnim ako im je rok vraćanja duži od jedne godine, a kratkoročnim ako im je rok vraćanja do jedne godine

Član 7.

~~Pravna osoba može odobravati kredite bankama i drugim pravnim osobama i građanima i kupovati hartije od vrijednosti.~~ **(briše se)**

Član 8.

~~Način i uvjete stjecanja i pribavljanja sredstava i odobravanje kredita pravna osoba utvrđuje općim aktom i ugovorom.~~ **(briše se)**

III - PLAĆANJE I ODRŽAVANJE SOLVENTNOSTI

Član 9.

Pravna osoba obavlja novčani promet preko računa kod ovlaštene organizacije za obavljanje platnog prometa, u skladu sa propisima o unutrašnjem platnom prometu.

Član 10.

Pravna osoba dužna je da novac primljen u gotovu po osnovu plaćanja poreza na promet proizvoda i usluga uplati na svoj račun prvog radnog dana prije dana dospjeća plaćanja ove obaveze.

~~Izuzetno od odredbe stavka 1. ovog članka, ako je mjesto naplate udaljeno od sjedišta mjerodavne jedinice Zavoda za platni promet, banke ili pošte, pravna osoba može odlučiti da primljeni novac uplaćuje na račun u određenim razdobljima, koji ne mogu biti duži od pet radnih dana. (briše se)~~

Član 11.

~~Pravna osoba može za plaćanje u gotovu podizati sa računa i držati u svojoj blagajni gotov novac do visine blagajničkog maksimuma.~~

~~Visinu blagajničkog maksimuma, utvrđuje pravna osoba u skladu sa općim aktom.~~

~~Ministar financija propisuje uvjete i način naplate, raspolaganja i plaćanja gotovim novcem.~~

~~Ministar obrane propisuje uvjete i način plaćanja gotovim novcem za vojne jedinice i vojne ustanove. (briše se)~~

Član 12.

Pravna osoba dužna je da izmiruje obveze u ugovorenom odnosno propisanom roku, preko svojih računa, nalogima za prijenos i drugim instrumentima plaćanja uključujući gotovinu u skladu sa odredbama Zakona o unutrašnjem platnom prometu - Prečišćeni tekst ("Službene novine Federacije BiH", broj 15/00) i propisima donesenim na osnovu tog zakona.

Pravna osoba može plaćati međusobne obveze prenosom vrijednosnih papira, prebijanjem i na drugi način, u skladu sa zakonima kojima je uređena ova oblast.

Izuzetno od odredbe stava 2. ovog člana, pravno lice ne može izmiriti međusobne obaveze prebijanjem, niti na druge načine predviđene propisima o obligacionim odnosima, sve dok ima evidentirane neizmirene dospjele obaveze iz člana 4. ovog zakona.

Pravna lica i drugi obveznici plaćanja poreza na plaće, u skladu sa Zakonom o porezu na plaće ("Službene novine Federacije BiH", br. 26/96, 27/97 i 12/98) i doprinosa, u skladu sa Zakonom o doprinosima ("Službene novine Federacije BiH", broj 35/98), nastavit će plaćanje ovih obaveza u skladu sa važećim zakonima i propisima donesenim na osnovu tih zakona.

U slučaju neplaćanja poreza i doprinosa na plaće, nadležna porezna uprava će izdati nalog za prisilnu naplatu organizaciji ovlaštenoj za obavljanje platnog prometa (OOPP), putem prijenosa sredstava sa računa pravnog lica na odgovarajući uplatni račun poreza.

Ako se na način iz stava 5. ovog člana ne može u potpunosti izmiriti obaveza, nadležna porezna uprava će donijeti rješenje o prisilnoj naplati iz cjelokupne imovine pravnog lica odnosno drugog obveznika.

Troškove koji nastanu na osnovu stava 6. ovog člana snosi pravno lice, odnosno drugi porezni obveznik

Član 13.

Pravna osoba dužna je da naloge za plaćanje svih dospelih neizmirenih obaveza podnese ovlaštenoj organizaciji za obavljanje platnog prometa najkasnije na dan dospjeća obaveze plaćanja.

Ovlaštena organizacija za obavljanje platnog prometa dužna je da primi podnesene naloge za plaćanje i da ovjeri datum i sat prijema.

Član 14.

Pravna osoba insolventna je ako na računu kod ovlaštene organizacije za obavljanje platnog prometa nema dovoljno sredstava za isplatu svih naloga, odnosno osnova za naplatu na dan dospjeća.

Član 15.

Ako je pravno lice insolventno, izvršenje naloga za plaćanje i osnova za naplatu obavlja se po slijedećim prioritetima:

1. nalozi za plaćanje i osnovi za naplatu carina i carinskih dažbina, posebnih poreza-akciza, poreza na promet proizvoda i usluga i drugih poreza, po posebnim propisima;
2. nalozi za plaćanje i osnovi za naplatu doprinosa iz plaća i na plaće;
3. nalozi za plaćanje i osnovi za naplatu ostalih javnih prihoda, po posebnim propisima;
4. nalozi za plaćanje i osnovi za naplatu po drugim izvršnim odlukama organa uprave i sudskih organa;

5. ostali nalozi za plaćanje i osnovi za naplatu.

Redoslijed izvršenja naloga za plaćanje i osnova za naplatu, unutar prioriteta iz stava 1. ovog člana, utvrđuje ovlaštena organizacija za obavljanje platnog prometa na osnovu redoslijeda prijema.

Osnove za naplatu koje sadržavaju obaveze iz dva ili više prioriteta iz stava 1. ovog člana, ovlaštena organizacija za obavljanje platnog prometa zavodi u redoslijed prijema i izvršava odvojeno po prioritetima.

Nalozi za plaćanje i osnovi za naplatu iz sljedećeg reda prioriteta mogu se izvršavati tek po izvršenju svih naloga za plaćanje i osnova za naplatu iz prethodnog reda prioriteta, uključujući i naloge za plaćanje i osnove za naplatu koji su primljeni u međuvremenu.

Odredbe ovog člana odnose se i na imaoce računa-radnje i fizička lica obveznike javnih prihoda, u skladu sa propisima, čiji računi se vode kod ovlaštenih organizacija za obavljanje platnog prometa.

Član 16.

Ovlaštena organizacija za obavljanje platnog prometa vodi evidenciju o redoslijedu prijema osnova za naplatu i naloga za plaćanje istog prvenstva prema danu i satu njihovog prijema i po tom redoslijedu ih izvršava, a na zahtjev povjerioca obještava ga o redoslijedu naplate njegovog potraživanja.

Član 16a.

Ovlaštena organizacija za obavljanje platnog prometa će jednom mjesečno, a najkasnije do 15. u mjesecu za protekli mjesec, u svim svojim organizacionim jedinicama javno objaviti i za objavljivanje u "Službenim novinama Federacije BiH" dostaviti podatke o nazivu, sjedištu-prebivalištu, adresi i broju računa insolventnih pravnih i fizičkih lica-imaoca računa koji su sa stanjem posljednjeg dana proteklog mjeseca:

1. insolventni 30 i više dana neprekidno;
2. insolventni 90 i više dana neprekidno,
3. insolventni 15 i više dana u toku prethodnog mjeseca, sa prekidima.

Član 17.

Povjerilac može ugovoriti da mu dužnik preda mjenicu, ček, bankarsku garanciju ili da plaćanje osigura na drugi način u skladu sa zakonom.

Mjesto, vrijeme i način predaje instrumenata osiguranja plaćanja iz stavka 1. ovog članka utvrđuje se sporazumno.

Član 17a.

Akceptni nalozi ovjereni od vjerovnika i podneseni ovlaštenoj organizaciji za obavljanje platnog prometa na dan dospijeca koji nisu izvršeni zbog nedostatka sredstava na računu dužnika izvršit će se u roku od 90 dana od dana stupanja na snagu ovog zakona, ako za njihovo izvršenje budu osigurana sredstva.

Akceptne naloge čiji rok dospijeca još nije dospio vjerovnici će podnijeti ovlaštenoj organizaciji za obavljanje platnog prometa u roku od 30 dana od dana stupanja na snagu ovog zakona.

Organizacija ovlaštena za obavljanje platnog prometa će akceptne naloge iz stava 2. ovog člana zavesti u evidenciju i izvršiti ih na dan dospijeca, a najduže za 90 dana od dana dospijeca ako na računu dužnika nisu osigurana sredstva.

Po isteku roka od 90 dana iz st. 1. i 2. ovog člana ovlaštena organizacija za obavljanje platnog prometa će neizvršene akceptne naloge vratiti vjerovnicima, ako to nije drugačije propisano zakonom.

Član 17b.

Nadzor nad provođenjem odredbi ovog zakona vrši Federalno ministarstvo finansija - Federalno ministarstvo finansija

Član 18.

~~Osim instrumenata iz članka 17. ovog zakona dužnik može za obezbjeđivanje plaćanja uručiti povjeriocu nalog za prienos sa upisanim datumom dospijeca (akceptni nalog).~~

~~Izuzetno od odredbi stava 1. ovog člana, obezbjeđenje plaćanja akceptnim nalogom ne može vršiti insolventni dužnik niti dužnik koji je u prethodnom mjesecu bio insolventan po bilo kom osnovu iz člana 16a. ovog zakona.~~

~~Akceptni nalog ovjerava povjerilac i podnosi ga ovlaštenoj organizaciji za obavljanje platnog prometa najkasnije na dan dospijeca.~~

~~Akceptni nalog iz stava 3. ovog člana zavodi se u evidenciju o redoslijedu prijema pod danom dospijeca (briše se)~~

IV - KAZNENE ODREDBE

Član 19.

Novčanom kaznom od 5.000 do 30.000 KM, kazniće se za privredni prijestup pravna osoba:

1. ako ne obavlja novčani promet preko računa ovlaštene organizacije za platni promet (Član 6.);
 2. ako ne uplaćuje u roku gotov novac na odgovarajući račun (Član 7.);
 3. ako drži u blagajni novac iznad visine blagajničkog maksimuma (Član 11. stav 1.); **(briše se)**
 4. ako obveze ne izmiruje u ugovorenom, odnosno propisanom roku (Član 8. stav 1.);
 5. ako do dana dospijeca ne podnese ovlaštenoj organizaciji za obavljanje platnog prometa naloge za plaćanje dospjelih neizmirenih obveza (Član 9.);
 6. ako u ugovorenom roku ne preda povjeriocu instrumente osiguranja plaćanja propisane ovim zakonom, ~~(čl. 17. i 18.)~~ ili ako za obezbjeđenje plaćanja izda akceptni nalog u uslovima insolventnosti. **(briše se)**
- Za radnje iz stavka 1. ovog članka kaznit će se za privredni prijestup i odgovorna osoba u pravnoj osobi novčanom kaznom od 500 do 2.500 KM.

Član 20.

Uz kaznu za privredni prijestup iz članka 19. stav 1. tač. 3. do 5 ovog zakona sud može izreći odgovornom licu zaštitnu mjeru zabrane obavljanja finansijskih poslova i rukovođenja tim poslovima, kao i raspolaganje finansijskim sredstvima.

Član 21.

Novčanom kaznom od 1.000 do 5.000 KM, kaznit će se za prekršaj pravna osoba ako u propisanom roku ne dostavi ovlaštenoj organizaciji za obavljanje platnog prometa podatke o izmirenim obvezama prebijanjem i prijenosom vrijednosnih papira (Član 8. stav 3.).

Za radnje iz stavka 1. ovog članka kaznit će se za prekršaj i odgovorna osoba u pravnoj osobi novčanom kaznom od 500 do 2.000 KM.

Član 22.

Novčanom kaznom od 1.000 KM do 10.000 KM kaznit će se za prekršaj ovlaštena organizacija za obavljanje platnog prometa:

1. ako ne primi podnesene naloge za plaćanje (član 13. stav 2.),
2. ako plaćanje ne izvršava po redoslijedu propisanim ovim zakonom (član 15.),
3. ako vjerovnike ne obavijesti o redoslijedu naplate njihovih potraživanja (član 16.),
4. ako na propisani način ne objavi podatke o insolventnim imaocima računa (član 16a.).

Za radnje iz stava 1. ovog člana kaznit će se za prekršaj i odgovorna osoba u ovlaštenoj organizaciji za obavljanje platnog prometa novčanom kaznom od 200 KM do 1.000 KM

Član 23.

Briše se.

V - PRIJELAZNE I ZAVRŠNE ODREDBE

Član 24.

Ovaj zakon stupa na snagu osmog dana od dana objavljivanja u "Službenim novinama Federacije BiH".

Predsjedavajući
Ustavotvornom skupštinom
Federacije BiH,
Mariofil Ljubić, s. r.

